

碧霄之鄉衣食自然形神俱妙得道之後升入無形和與道合真

下方

臣等今故燒香飯身飯神飯命懺悔亡故某劫劫稟資生生賦質一具汨沒萬妄紛紜耳混官商目耽錦繡舌貪滋味鼻慕馨香口惑是非恣別人我四維不守三惑未除元臘威儀罔知懺悔節會科律有味朝修罪積玄曹愆書玉簡一朝滅度九夜沉淪非仗首陳何繇拔贖因今燒香行道發露祈恩伏願

下方无極太上靈寶天尊梵炁天君下鄉神仙諸靈官廣運慈悲特垂原赦告下方土官司禁下方無間地獄之中拔度魂儀斷除考對俾亡故某出離幽暗得觀光明萬罪蕩除冤仇和釋上洞極陰靈之界登水蓮淨土之鄉衣食自然形神俱妙得道之後升入無形和與道合真

總十方

臣等今故燒香飯身飯神飯命懺悔亡故某劫劫稟資生生賦質一具汨沒萬妄紛紜耳

混官商目耽錦繡舌貪滋味鼻慕馨香口惑是非恣別人我四維不守三惑未除元臘威儀罔知懺悔節會科律有味朝修罪積玄曹愆書玉簡一朝滅度九夜沉淪非仗懺陳何繇拔贖因今燒香行道發露祈恩伏願

十方无極太上靈寶天尊梵炁天君十鄉神仙諸靈官廣運慈悲特垂原赦告下諸方司禁諸方地獄之中拔度魂儀斷除考對俾亡故某出離幽暗得觀光明萬罪蕩除冤仇和釋上十極清淨之界登十華嚴之鄉衣食自然形神俱妙得道之後升入無形和與道合真

出堂頌

靈寶積教濟度金書卷之一百十三

靈寶積教濟度金書卷之一百十四 坐元

洞微高士開光救苦真人寧全真授

靈寶通玄弘教水南先生林靈真編

科儀立成品

太極心法祭鍊儀

步虛

洒淨

普獻頌

普獻無邊聖 香煙散十方 願乘七寶臺

垂光五濁世 運度人天眾 咸今上法攝

同會證無為 勤修不退轉

具位正主謹焚寶香遙贈供養

太上无極大道三清上聖十極高真傳道授

經度人濟世無欺聖眾且聞元始開圖敷三

教之風采虛皇撫運弘七部之龍章仁風鼓

舞於幅圓惠德涵濡於寰廓青玄黃籙羅九

職於東華丹火朱陵紫二曹於南上提夜壑

而朝陽燦爛照寒庭而春色淑融自

帝尊開玉匣之芳故師寶笈金囊之秘燈燈

續燄葉葉傳宗妙哉化育以難量大矣生成

而莫極巨等心遊淵粹迹襲紛葩玄元始之
真機面墻自嘆希夷微之妙旨入室未諧莫
融經緯於三田曷俾儀璘於六合冒領芝壇
之職濫聯楓陛之班宣德開幽期棹慈航於
苦海承符破暗誓張蕙燭於昏衢下尉群靈

上禪三極今齋主某伏為某事爰念重泉苦
爽飄命帶以茫茫長夜遊精瘁生根而杳杳
萬劫莫回於陽性千生未滌於陰塵罪報循
環冤仇輪轉庸接祭鍊之玉訣肆遵濟度之
金科甘露門開微十華而薦享祥煙戶啓寶
二景以陶鎔生天而六耀騰光出地而九真
煥彩火龍迅駕鬼官部衛於神鄉金馬驛程
制魔保舉於真域開通幽顯和合宛親永無
淪墮之憂常享太平之運伏望洪慈起死大
德好生羽蓋瓊輪縹緲齊臨於碧落丹輿綠
輦翻翻遙下於清虛教玄局以雷奔湛丹綸
而風動圓成登事技領幽魂遂齊主激切之
忱副微臣皈依之悃且下情不勝祈思屏營
之至

誦大行梵炁章三遍

大行梵炁周迴十方 中有度人不死之神
中有南極長生之君 中有度世司馬大神
中有好生韓君丈人 中有南上司命司錄
延壽益算度厄專神 迴骸起死无量度人
今日校錄諸天臨軒

臣謹同誠上啓

清微天中妙无上帝禹餘天中虛皇上帝大
赤天中至真大帝无上三十二天上帝願運
慈悲俯聆懇款切以金飯玉漿濟三塗之苦
惱交梨火棗充九夜之飢虛惟資神變之功
方證靈通之妙以今奉為齋主某修崇祭鍊
攝召幽靈願惟塵境之鋪陳難使冥徒之散
受欲望具慈廣運聖旣旁昭降三寶之神輝
彌羅有截覆五靈之道炁鬱勃無垠珍羞成
廣大之筵餽饌變清涼之味即使受施等眾
充悅想念灌潤焦枯俾容止以輕徐可精神
而泰定且不勝虔禱之至

誦中篇

臣謹重誠上啓

南極朱陵大帝北極洞陽大帝東華木公青

童道君西靈金母丹皇道君太陽炎光帝君
太陰黃華元君願運慈悲俯聆懇款切以走
虎飛龍凝鬱儀結璘而灌鍊含烏育免降方
諸陽燧以陶澄惟資神變之功方證靈通之
妙以今奉為某修崇祭鍊攝召幽靈非假水
火之真精曷蕩陰冥之氛幣欲望天恩曲映
靈澤敷宣降東井之靈泉素瀾流洒飛南閭
之神彩丹鏡光解五龍騰玉漢之英九鳳鼓
金門之氣即使受鍊等眾玉眸鍊質黃華蕩
形俾塵垢以潔清可形神而沖舉且不勝虔
禱之至

臣謹重誠上啓

虛皇玉晨太上道君三元丹天六辰道君願
運慈悲俯聆懇款切以玉籙度生勸陰官而
敬聽金書起死救冥吏以丕承惟資符合之
功方契靈通之妙以今奉為某修崇祭鍊攝
召幽靈非憑寶籙之光輝曷俾冥關之開泰
欲望洪恩弘被靈旣昭回降紫鳳之芝函金
童夾侍啓青虬之藥簡玉女齊臨神光射九

誦中篇

臣謹重誠上啓

童夾侍啓青虬之藥簡玉女齊臨神光射九

地之幽梵悉徹三天之邃即使受度等眾依憑功德時刻昇遷赦萬罪以澄清脫三途而飛躍巨不勝虔禱之至

誦中篇
請太乙

恭聞長樂界內號尋聲救苦之尊妙嚴宮中儼應念垂慈之主天寶泉普蘇於熱惱空青枝遍洒於煩冤拔領十方運威神而遍滿周迴三界錫慧力以提携琳琅百寶之祥光輝燁九華之妙炁號慈慈父為天人師凡居範圍之中悉圍甄陶之內以今奉為恭修崇祭鍊普度幽冥期提積夜之魂均遂乘晨之願蘭湯告備芝饌將陳切念地獄一類毒霧周縈業煙檢繫銅關萬雉抱長恨而億劫無原鐵壘千尋含積冤而長年莫釋况羅鄴之眇莽號鬱絕之幽家負痛終天斷哀極地自匪靈光下燭頓令毀鎖以張門曷使幽暗上騰即俾開關而啓路和合六趣證妙三元欲望白玉毫光紫金瑞相輝明夜府為摧毀於陰關照耀泉局即開宣於幽域冥官聽令獄吏

俾刑一一珠中示慈悲之霽色重重光內昭憐憫之慈容枷鎖脫除道途通泰普使三途罪爽五道窮魂乘功德光出煩惱暗水離地戶無拘留逼合之憂行御天門有侍衛送迎之喜金城孕質玉洞凝神臣不勝虔禱之至
恭俟天恩報應

宣破鄴都開業道呪十二遍

茫茫鄴都中 重重金剛山 靈寶无量光 洞照炎池煩 亡過諸幽魂 身隨香雲播 定慧青蓮花 上生身永安

真光遍覆巨三際以開明靈景遙舒極十華而晃耀道路稟部送之令關津無阻滯之憂斗轉參橫悲風振而遙林浙瀝河澄月淡輕煙裊而遠岫參差正永漏之將中恍清宵之未半靈幡颭颭寶鐸琅琅禮亦宜之盡通微於萬類時亦可矣須普集於群靈共散霞供之芬芳式煥雲壇之清靜天恩無外地域遐開法衆運誠志心召請
志心召請一切天仙道一切神明道一切人倫道等眾各及眷屬惟願仰承三寶力

今夜今時齊附靈幡來赴玄壇和受茲開度功德

志心召請一切地獄道一切餓鬼道一切畜生道等眾各及眷屬惟願仰承三寶力今夜今時齊附靈幡來赴玄壇和受茲開度功德

志心召請一切胎生之眾一切卵生之眾一切濕生之眾一切化生之眾各及眷屬惟願仰承三寶力今夜今時齊附靈幡來赴玄壇和受茲開度功德

志心召請四海九州荒郊曠野孤魂滯魄諸類傷亡無救之眾各及眷屬惟願仰承三寶力今夜今時齊附靈幡來赴玄壇和受茲開度功德

志心召請壽主九玄七祖歷劫種親宿世今生冤仇等眾惟願仰承三寶力齊附靈幡來赴玄壇和受茲開度功德

召畢引幡至壇前

將天炁以制天魂遊精在止開地關而來地爽逝識均臨如聞警敷之音似認步趨之影

相呼相喚行赴蘭湯將期將期受朝芝座然念根塵積染業垢交周病冠生前或五藏百骸之未復完紫死後有三生四負之猶迷致神杰之支離覺形骸之臭腐非假攝聚曷復本初蓋導紫極之金符遍布清微之玉敕整全異類完復人身庶完病以兼除可形神而受煉

宣五府煉形章

東方紅杏育蒼英 南方機臘養炎精
西方磨針司瑞澤 北方墨黑度玄津

中央靈寶玄元始 五炁旋虛妙入神

癱瘓跛痾蒙伸曲 耳目無聰反慧明
自害自刑俱復體 墮胎傷折得回魂
中毒夭亡皆強體 雷噴暗感得全靈
青帝護魂肝木旺 赤帝養炁心火亨
白帝侍魄生成肺 黑帝通血腎玄清
黃帝中主脾土安 梵炁彌羅白合真
起死迴屍煉離坎 白骨成人萬炁盈
濟度垂死無生滅 九和十合結胎嬰
五老運靈監受度 逍遙變化宴上清

消病魔驅鬼既清淨以無憂灌生炁全真神可從容而有喜百關通暢萬竅華敷再惟久滯陰關易淪陽性襲紛埃之浩蕩周帛萬形染塵垢之迷紫粧嚴百體匪灌煉於神水俾澄湛於華池曷返故根頓回新質池開八解玲瓏而三景流輝水灌五香清靜而諸天降彩即使受浴等眾泓澄陽景沐浴陰塵端容體以逍遙肅神儀而朝觀受事官將引靈受煉

沉丹陽符於水中

宣丹陽煉度大呪

龍漢蕩蕩無形無名 眇眇億劫黃道開清
神燈朗耀 九魂吐精 玉虛澄輝 太霞高明
元始開化 諸天齊臨 三元道養 二象攝生
未度者度 未成者成 已死即化 已枯復榮
蠢動蛸息 一切冥靈 懷胎含孕 咸得受形
亡者命過 魂歸三清 魄定鍊度 南宮變形
今日大吉 皆得光明 五帝鑒映 普告萬靈
天地神祇 及彼河源 五嶽四瀆 及諸名山
洞源洞虛 洞空洞仙 无極大聖 至真尊神

无極无窮普鑒度生地根斷絕玄都記名眾神普應一切咸聽

焚水煉符 宣呪

焚化衣符 宣呪

浴質儀備水鍊功圓六銖昭上衣下裳之功

八芒舍內方外圓之象容止端正步武輕盈

宜旅進於楓宸即奉朝於芝座鈞容振響羽葆流明法眾運誠皈依朝禮

志心朝禮

太上无極大道

志心朝禮

三十六部尊經

志心朝禮

玄中大法師

望虎闕而稽首九拜承恩覲獅座以傾心一

忱微福

上帝鑒勤渠之悃下愚殫激切之恭然念久

墮陰鄉遠辭陽境莫達恭饌寧無希望之心

久闕精羞難免食求之想幸承檄召來屆壇

場諸天之妙炁羅敷萬聖之具光覆映輝華

變現等月露以無塵神化靈奇象雲霞之有
耀靡間三華之妙席無殊六甲之芳筵異果
陸離奇葩錯落金童旅進羅玉著以銷飴玉
女朋從列金匙而餒飼即使受食等眾飢虛
頓絕想念都除杰爽神清食足願滿絕塵心
之祭饗悟法性之空無受事官將引靈受食

宣甘露通真呪

宣法食六梵呪

誦中篇

品類臨妙化之廷隨念飽滿靈爽集神奇之
席復性周圓寬億劫之飢虛濟千靈之苦惱
允為欣幸實藉提携然念宿墮迷津遂淪惡
趣業機交織冤網互縈匪陶冶於陽精曷斷
除於陰翳俾離地暗快觀天光石景金精已
澄淪於五體玉眸流火更鎔鍊於百骸南乾
射丹鳳之揮東維耀金鳥之彩炎光升降陽
耀飛沉即使受鍊等眾體履金光質還玉潤
惡塵何有猶紅日之行天罪垢無存若素蟾
之照地淵澄泓湛變化超凌受事官將引靈
火鍊

起水中丹陽符置火池中焚之

宣丹陽煉度大呪

焚火鍊符 宣呪

陶形備備火鍊功圓悟六用之無成人我解
脫蕩一塵之不染表裏澄清所宜夙駕於火
龍疾俾高躋於金虎爰念琅函紫笈瓊輶芝
圖有妙戒之津梁悟之則超凡入聖有寶錄
之梯級佩之則駕景凌虛今當先演戒條次
宣錄訓永為身寶如律受持法眾運誠人各
恭敬

宣九真戒

九戒宣傳一心諦聽真脩途之穩駕洪波之
方舟炎亢之甘霖疾病之良藥生前身佩徑
上天堂死後心操不經地獄即有察命童子
護戒威神玉帝考官六官探吏隨逐動復覆
護行藏歷劫弗諉永無輪轉凌霄有便飛行
可期寶錄教宣所宜端念

宣生天錄

見前眾類幸承陽光克離陰都禮道禮經禮
師一真日皎鍊形鍊神鍊炁萬妄風清餐法

味以濟飢虛聽玄音而消寃病真戒敬佩寶
錄恭恭行御景以高升即凌空而直上可謂
風生慶會萬劫遭逢更宜葆粹以美猶少俟
運神而發遣伏惟珍重無忘道恩

寶華圓滿天專

臣聞神樞鼓動會超無上之奇聖喬裁成廣
扇又玄之奧萬國仰瞻於聖日十方高拱於
真風動運隆仁曲微淵鑒巨向來奉為恭修
崇祭鍊開度幽靈荷真聖之傾光遂凡庸之
受度功滿德就道備思隆雲歛璇霄覺清杳
之欲下星移銀漢嗟玉漏之將殘萬葉成嚴
諸天復位伏望覽旌羽葆却返鬱羅月蓋風
旂即旋劫仞日等瞻依徒切控挽無從謹稽
首再拜奉送

送真頌

謹召本靖臨壇受事主將副將護道監壇疾
速嚴裝顯服部衛所度幽靈前赴南昌上宮
未陵大府遵承
帝敕隨果受生

宣護送牒

誦上天度人章

送亡靈如儀

回壇

向來

靈寶領教濟度金書卷之一百十四

靈寶領教濟度金書卷之一百十五一百十卷

洞微高士開光救苦真人寧全真授

靈寶通玄弘教水南先生林靈真編

科儀立成品血湖道場用

冥官醮儀

步虛

洒淨

請攝法位

具位某謹上啓

北陰玄天鄧都大帝東嶽天齊仁聖帝地府
十宮真君溟泠大神五道大神九幽地獄主
者大鐵圍山無間破石血湖地獄主者血湖
掌罪籍究對冥官翻體大神擲尸大神食心
咬腦鬼王某州社令尊神本州本縣城隍主
者富境土地里城主者遠近廟貌祀典神祇
齋主家土地司命六神一切威靈伏以清微
御極羅敷三洞之慈雲赤明開圖煥耀十華
之慧日極死現於北鬱錄生魄於南昌思淡
千生仁同一視茫茫苦海孰砥柱於迷津杳
杳血湖曷津梁於彼岸玉錄修度人之典金
章勒司殺之曹昭天湯泉雖荷元皇之德澤

承流宣化猶資冥職之慈悲肅即玄壇爰申

禱祀靈光洞煥開八極之陽春神馭駢羅難

九幽之長夜不違丹悃剋赴清筵法衆運誠

志心奉請

請神

初獻

散花

某上啓

北陰玄天鄧都大帝東嶽天齊仁聖帝地府
十宮真君溟泠大神五道大神司列曹冥
官主職州縣城隍當境土地醮筵內外一切
真靈伏以清都紫府陽光儼先聖之居黑壤
黃泉陰暗號鬼神之宅受中免分於迷悟生
神遷判於升沉十宮六洞之森嚴班聯赫奕
五苦三塗之沉滯憲令昭彰惟血湖之幽牢
連鐵圍之朔境業風振蕩產魂顛冥飲穢吞
腥考訊無論於貴賤舍冤茹苦拘囚莫記於
春秋不聞三寶之名未隔九清之境雖絲報
對寶累生成帝矜祖炁之分靈忍置陶鎔之
外神稟天符而度命悉歸膏澤之中伏願體
道好生法天救死霽雷霆之怒刀化樹而劍